



UNMIK/REG/2004/26
28 korrik 2004

RREGULLORE NR. 2004/26

**MBI SHPALLJEN E LIGJIT PËR SPORTIN
TË MIRATUAR NGA KUVENDI I KOSOVËS**

Përfaqësuesi Special i Sekretarit të Përgjithshëm,

Në pajtim me autorizimin që i është dhënë sipas Rezolutës 1244 (1999) të Këshillit të Sigurimit të Kombeve të Bashkuara të datës 10 qershor 1999,

Në përputhje me nenet 8.1, 9.1.44 dhe 9.1.45 të Kornizës Kushtetuese për Vetëqeverisje të Përkohshme në Kosovë (Rregullorja e UNMIK-ut nr. 2001/9),

Duke marrë parasysh shkresën zyrtare të kryetarit të Kuvendit të Kosovës të datës 3 dhjetor 2004 lidhur me Ligjin për sportin të miratuar nga Kuvendi i Kosovës më 20 nëntor 2003,

A. Me anë të kësaj shpall të vlefshëm nga data e nënshkrimit Ligjin për sportin të miratuar nga Kuvendi i Kosovës i cili i është bashkëngjitur kësaj Rregulloreje (Ligji nr. 2003/24), që i nënshtrohet pjesës B më poshtë dhe:

B. Vendos që në përputhje me RKS KB 1244 (1999) dhe Kornizën Kushtetuese për Vetëqeverisje të Përkohshme të bëhen ndryshime në këtë Ligj si në vijim:

(a) Fjala “qytetar” në nenin 9.1 të zëvendësohet me fjalën “banor”; fjalët “dhe kombëtare” në nenet 10.1, 11.1, 11.2, 19.1, 19.2, 20.1 dhe 65.3 të shlyhen si dhe fjala “kombëtar” në nenet 40.2, 40.3 dhe 69.2 të zëvendësohet me “Kosovë”;

(b) Kapitulli V ndryshohet si në vijim:

“V. ASOCIACIONI OLIMPIK I KOSOVËS

Neni 21

21.1 Asociacioni Olimpik i Kosovës (AOK) është institucioni më i lartë i sportit, që përfshinë organizatat dhe shoqatat anëtare të sporteve në Kosovë.

Neni 22

22.1 AOK-u është i organizuar në përputhje me interesat e zhvillimit të sportistëve dhe të sportit në Kosovë.

Neni 23

23.1 AOK-u organizon, udhëheq dhe bashkërendon zhvillimin e sportit olimpiq dhe sporteve të tjera të njohura, si dhe aktiviteteve lidhur me to në bashkëpunim me organizatat e sportit dhe ato publike, bazuar në vendimet e saj si dhe rregullat dhe procedurat të miratuara në përputhje me këtë Ligj.

Neni 24

24.1 Qeveria (Ministria) do t'i përkrahë aktivitetet e AOK-ut në kuadër të mundësive buxhetore.

Neni 25

25.1 Struktura organizative e AOK-ut përfshin Komisionin për arbitrazh në sport (KAS) i cili punon në përputhje me aktet dhe standardet e aplikueshme ndërkombëtare të arbitrazhit në sport” dhe

(c) Neni 84 ndryshohet si në vijim: “Ky Ligj hyn në fuqi pas miratimit nga Kuvendi në datën e shpalljes së tij nga Përfaqësuesi Special i Sekretarit të Përgjithshëm.”

Nënshkruar sot, më 28 korrik 2004

Charles H. Brayshaw
Ushtues i detyrës së Përfaqësuesit Special të Sekretarit të Përgjithshëm